

## Kuma bann savants *sunnites* trèt bann *shi'ahs* ?

Dernière fois, nou finn esaye get ensame kuma bann savants et zomes de la rue, trèt bann *shi'ahs* kom inovatèrs et infidèles, malgré ki péna aukaine verset ou *hadith* ki trèt zott kumsa. Cela parski, kuma mo finn dire, *shi'ahs* so Xistence li apré prophet, c à dire a l'epok 'Ali, kan finn éna dézord et enn la guerre politik ente zott. Avek naissance *shi'ahs*, *sunnites* finn pran naissance.

Mo finn oussi dire ki bann *sunnites* pé trèt bann *shi'ahs* kumsa kan zott mem zott fer pareil ou bien plis pire. Mo finn donn Xemple typik bann mauzolás ou *dargas* ki bann *shi'ahs* éna impé partout dan Iran et bann *sunnites* oussi éna à travers le monde et zott vénèr ça. Mo finn donn Xemple tome prophet à médine, kot tous bann *sunnites*, y kompris bann *tawheed/salafi jamaat*, bann *sunnat jamaat*, bann *tabligh jamaat* et oussi bann *shi'ahs*, alle fer ziyarat (rann visite) là bas, pendant *hajj* (pèlerinaze) ou les zott zours. Mo finn pruve zott ki éna inovations dan zott par le fait ki tous *masajid* décorés et ornés, y kompri *masajid* dan l'Arabie, tandis ki prophet là finn défann katégorikma ça kitsoze la. Mo finn donn zott, bann *sunnites*, prèvs lor là. Et en plis, mo dimann zott si pa zott koné ki sanla dan tome prophet là, sipa éna mem prophet la dan ?

Mo finn dire oussi ki bann *sunnites* bizin get zott mem avan, si pa éna enn paké inovations dan zott, à part bann *masajid*, avan zott trèt zott prosains d'inovateurs.

La dernière fois mo finn mentionne trois citations kot bann *sunnites* base zott pou trèt *shi'ahs* d'inovatèrs. Aster là, nou alle get ensame ki bann savants kontemporains inn dire enkor concernant innovation ou infidélité (*kufir*) de bann *shi'ahs*. Mo avertit zott ki ça bann *fatawa* là pou fer zott vine *fatra*. Principalma, c bann *salafi* ki finn dire enn tel kitsoze :

- 1 – *Abu Hanifah* finn dire – ki mo pa pé dire li « *imam* » parski azordi zours tous dimounes dan koin la rue kapav vine *imam* par fer enn simple kozéri par ci par là – ki bann *shi'ahs* c *rawafid* ça et celui ki doute zott mékréance, li mem li finn vinn koupab ça mékréance là.

Bann dimounes ki suiv *Abu Hanifah* à la let, zott apèle zott « *orthodoxes sunnis hanafis* » et mo pen c ki tous *sunnites*, peu importe à ki secte zott appartenir, par Xemple *tawheed jamaat* ou *sunnat jamaat*, suiv *Abu Hanifah* et zott dire ki li pli grand *imam* (*imam-é-a'zam*). Moi mo pa kroire la dan parski zott koné ki sanla ki supposé pli grand *imam*, mais sèlema zott pa dire li, zott préfère dire enn lot ki pa mérit ça titre la, et à la place, zott dire ki *Abu Hanifah* li pli grand (*a'zam*). A nou gé t ki *Abu Hanifah* inn dire lor bann *rawafid* ou *shi'ahs* :

من كفر مِنْهُمْ كَالْمَجْسَمَةِ وَالْخَوَارِجِ وَغَلَاةِ الرِّوَافِضِ وَالْقَائِلِينَ بِخُلُقِ الْقُرْآنِ لَا تَقْبَلُ شَهَادَتَهُمْ عَلَى الْمُسْلِمِينَ .

Celui ki dan infidélité, kuma bann ki dire ki dieu éna le corps, bann *khawarij*, bann xtrémists parmi bann *rawafids* (*shi'ahs*), bann ki dire ki quran finn ête créé, zott témoignage pa valable konte mizilmans (*qurratu uyun al-akhyar takmilat radd-ul-mulkhtar* : vol. 1, page 522).

وَقَدْ جَوَزَهُ بَعْضُ الرِّوَافِضِ لَعَنَهُمُ اللَّهُ...

Certains parmi bann *rawafids* (*shi'ahs*) finn permet ça, ki dieu maudit zott (*al-mabsut* : vol. 17, page 222).

وَفِي الرِّوَافِضِ إِنْ فَضَّلَ عَلَيَّا عَلَى الثَّلَاثَةِ فَمُبْتَدَعٌ .

Et dan bann *rawafids* (*shi'ahs*), celui ki donn supériorité à 'Ali, lor trois là, li enn inovatèr (*sharh kanz-ul-daqa'id* : vol. 1, page 135 ; *fath-ul-qadir* : vol. 12, page 183).

وَلَمْ يُنَكِّرْهَا أَحَدٌ مِنْ أَهْلِ الْعِلْمِ إِلَّا الرِّوَافِضُ لَا بَارَكَ اللَّهُ فِيهِمْ .

Person parmi bann savants pa finn renier et rejette li (la *tarawih*) sauf bann *rawafids* ki bon dieu pa béni zott (*al-mabsut* : vol. 3, page 170).

وَأَمَّا الرَّاغِبُونَ قَاتِلَهُمُ اللَّهُ تَعَالَى فَيَأْخُذُونَ بِقَوْلِ أَهْلِ الْكِتَابِ

En c ki koncerne bann *rawafids* (*shi'ahs*), ki dieu modi zott, c parski zott prend paroles bann gens du livre ... (*al-mabsut* : vol. 14, page 68).

Ça bann dimounes là, bann *sunnites*, inn truve bon pou fer enn secte et zott apèle zott mem « *orthodoxes sunnis hanafis* ». Zott dire ki zott suiv parol *Abu Hanifah* à la let, mem si ça bann parols la pé kontredire quran et *hadiths*. Ca degré là zott finn vinn aveugle.

« Bon dieu modi zott (bann *shi'ahs*) », eski li pareil kuma bon dieu modi zuifs et krétiens ça ? Si zott dire wi, ler la mo pou dire *rawafids* (*shi'ahs*) pareils kuma krétiens et zuifs. Ki droit ki *Abu Hanifah* ti éna pou dire ki bon dieu modi zott ? Eski so du'a finn aksepté, zott kapav pruve ça ?

Mo sure et certain ki si *Abu Hanifah* ti là, li ti pou galoupe derière zott avek sab. Zott osé krée enn secte lor so nom et zott dire ki li *imam-é-a'zam* ?

Bann *sunnites* (*tawheed jamaat*, *sunnat jamaat*, *salafi jamaat* et *tabligh jamaat*) bizin pran konte ki *shi'ahs* kroire dan 12 *imams* ou bien *amirs* ou bien bann kalifes et zott pa kroire dan quatre *imams*. Kot la diférence, sinon zist lor nombre ? C ki plis drôle, c ki bann *shi'ahs* avance bann prèvs ki truve dan livres bann *sunnites* lor 12 *imams* là. Mais bann *sunnites* péna aukaine prèvs lor quatre *imams* là. C drôle non ! *Shi'ahs* pé atane enn 13<sup>e</sup> *imam* en la person de *mahdi*, enn lot légende enkor azouté. Ziska kan bann ki dire zott *sunnites* et non *shi'ahs* pou kontinué dan ça façon et ça simé là ? Zott pa pen c finn arive ler pou arête trèt les *shi'ahs* de toutes sortes et get zott mem avan ?

Dan *hadith*, prophet finn dire :

لَيْسَ الْمُؤْمِنُ بِالطَّعَانِ وَلَا اللَّعَانِ وَلَا الْفَاحِشِ وَلَا الْبَذِيءِ .

Le kroyant li pa enn dimoune ki blasfémé, li pa enn dimoune ki donn malédiktion boukoup, li pa enn dimoune grossier et li pa enn dimoune obscène (*tirmizi* : vol. 4, livre 1, *hadith* 1977 ; *muswannaf ibn abi chaybah* : vol. 1, page 238, *hadith* 355 ; *al-bazzar* : vol. 4, page 330, *hadith* 1523, vol. 5, page 296, *hadith* 1914, vol. 8, page 176, *hadith* 3207 ; *abu ya'la* : vol. 9, page 20, *hadith* 5088, page 258, *hadith* 5379 ; *ibn hibban* : vol. 1, page 421, *hadith* 192 ; *mu'jam kabir* : vol. 10, page 207, *hadith* 10483 ; *mu'jam awsat* : vol. 2, page 225, *hadith* 1814 ; *mustadrak* : vol. 1, page 57, *hadiths* 29, 30 ; *sunan kubra* : vol. 10, page 325, *hadith* 20794, page 411, *hadith* 21140 ' *sunan swa'ir* : vol. 4, page 183, *hadith* 3374 ; *majma' zawa'id* : vol. 1, page 97, *hadith* 347, vol. 8, page 72, *hadith* 13003 ; *kanz ummal* : vol. 1, page 146, *hadith* 714).

A b eski *Abu Hanifah* pa ti kone ça *hadith* là avan ki li insulté bann *shi'ahs* ? Eski li pa ti enn kroyant ? A koze ça li finn dimann malédiktion bon dieu pou bann *rawafids* ? Et toi mizilman kontemporain, to pa koné toi ? Eski bon dieu finn donn toi otorité pou donn malédiktion à bann *shi'ahs* ? Kan eski to koné ki *shi'ahs* inn donn toi malédiktion ?

C ki drôle, bien drôle mem, c ki prophet finn dire enn zafair pareil concernant enn kroyant, mais li mem li fer li, c ki tout à fé le contraire. Li, personelma, li finn donn malédiktions bann dimounes suivants :

1. Celui qui met périk (*bukhari* : vol. 6, livre 60, *hadith* 409, vol. 7, livre 62, *hadith* 133, vol. 7, livre 72, *hadiths* 816, 819, 823, 824, 825, 831 ; *muslim* : livre 24, *hadiths* 5299, 5300 ; *nasai* : vol. 4, livre 27, *hadith* 3445, vol. 6, livre 48, *hadiths* 5097, 5098, 5251 ; *ibn maja* : vol. 3, livre 9, *hadiths* 1987, 1988).
2. bann zomes ki imitent bann fame et vice versa (*bukhari* : vol. 7, livre 72, *hadiths* 773, 774, 820 ; *abu dawood* : livre 33, *hadiths* 4086, 4087, 4088, livre 42, *hadith* 4912 ; *tirmizi* : vol. 5, livre 41, *hadith* 2785 ; *nasai* : vol. 5, livre 41, *hadith* 2784 ; *ibn maja* : vol. 3, livre 9, *hadiths* 1903, 1904),

3. celle ki fer tatouage et fer tatoué, c ki manze intérêt et donn li (*bukhari : livre 34, hadith 440, bukhari : vol. 7, livre 63, hadith 259, livre 72, hadiths 816, 820, 825 ; abu dawood : livre 34, hadith 4156 ; nasai : vol. 4, livre 27, hadith 3445, vol. 6, livre 48, hadith 5098, 5102*),
4. la fame ki visite cimetièrs (*tirmizi : vol. 2, livre 5, hadith 1056 ; nasai : vol. 3, livre 21, hadith 2045 ; ibn maja : vol. 1, livre 6, hadiths 1574, 1575, 1576*),
5. celui ki tire foto (*bukhari : vol. 3, livre 34, hadiths 299, 440*),
6. celle ki tire poils lor so visaz et krée espace entre les dents (*bukhari : vol. 7, hadith 832 ; tirmizi : vol. 5, livre 41, hadith 2782 ; nasai : vol. 6, livre 48, hadith 5102 ; ibn maja : vol. 1, livre 6, hadith 1585*),
7. celui ki mange ou donn ou écrire ou témoigne enn transactions intérêt (*muslim : livre 10, hadiths 3880, 3881 ; abu dawood : livre 22, hadith 3327 ; tirmizi : vol. 1, livre 12, hadith 1206 ; nasai : vol. 4, livre 27, hadith 3445, vol. 6, livre 48, hadith 5106 ; ibn maja : vol. 3, livre 12, hadith 2277*),
8. voleur enn dizef ou enn béf (*bukhari : vol. 8, livre 81, hadith 791*).
9. celui ki martyriz enn zanimo (*bukhari : vol. 7, livre 67, hadith 423, 424 ; muslim : livre 21, hadith 4815 ; nasai : vol. 5, livre 43, hadith 4447*),
10. celui ki pran enn tome pou lieu de prière (*nasai : vol. 3, livre 21, hadiths 2045, 2048*),
11. celui ki pran enn kitsoze ki éna âme kom target (*muslim : livre 21, hadith 4816 ; nasai : vol. 5, livre 43, hadith 4446*),
12. celui ki marié avek enn fame divorcée pou fer li vine permet pou so premier mari (*abu dawood : livre 11, hadith 2071*),
13. celui ki donn bribe (pourboire) et celui ki prend (*bukhari : vol. 3, livre 34, hadith 299 ; muslim : livre 10, hadith 3881 ; abu dawood : livre 24, hadith 3573 ; tirmizi : vol. 3, livre 13, hadiths 1336, 1337 ; nasai : vol. 6, livre 48, hadith 5107 ; ibn maja : vol. 3, livre 13, hadith 2313*),
14. celui ki raze so la tête et celui ki déssir so linze (lamenté) (*nasai : vol. 3, livre 21, hadith 1868*),
15. celui ki prend l'arzant pou di sang (versé) (*bukhari : vol. 7, livre 72, hadith 845*),
16. celui ki fer transaction di vin (*tirmizi : vol. 1, livre 12, hadith 1295 ; ibn maja : vol. 4, livre 30, hadith 3381*).

Bon dieu dire, concernant bann infidèls et l'atitide ki prophet ti pé pran :

لَيْسَ لَكَ مِنَ الْأَمْرِ شَيْءٌ أَوْ يَتُوبَ عَلَيْهِمْ أَوْ يُعَذِّبُهُمْ فَأِنَّهُمْ ظَالِمُونَ

Zott zafair là li pa koncerne toi, ki bon dieu pardon zott ou punit zott. Zott bann injustes (3/128).

Eski zott kapav dire moi kuma prophet inn dire ça bann kitsozes pareils là pou enn kroyant apré ça li mem li fer kitsozes là ? En plis li dire :

وَلَعْنُ الْمُؤْمِنِ كَقَتْلِهِ .

Modi enn kroyant li pareil kuma finn touye li (*Bukhari : vol. 8, livre 73, hadiths 73, 126, 647 ; muslim : livre 1, hadith 202*)

Et après :

وَإِنَّهُ مَنْ لَعَنَ شَيْئًا لَيْسَ لَهُ بِأَهْلٍ رَجَعَتِ اللَّعْنَةُ عَلَيْهِ .

Celui ki modi enn kitsoze ki li pa mérité, malédiktion la retourne lor li (*abu dawood : livre 42, hadith 4890*).

Komié malédiktions bann kroyants finn doné et ça finn tom lor zott mem ? Eski prophet pa ti kroyant li ? Eski zott, zott pa gagne malédiktions zott ? Ou bien zott inn gagne bénédiktions ça mem ki komunté là arriéré kumsa et zott bann l'enemis pé fer zott pèr et pé domine zott. Souvent nou tann dire ki l'islam pou fer victoire, mais ziska zordi, nou enkor pé atane mem et 1440 bananés finn traversés (d'après kalendrier institué par 'Umar ibn al-Khattab), komié dimounes inn mort, mais pa enkor éna la victoire, ki fer ça ? Ou bien li suffit zist pou kroire dan légende là et péna vérité ? Réflesi impé bann *sunnites* !

A b si nou get bann prèvs lor kalifat d'*Abu Bakr* et de '*Ali*, nou pou fini kompran kot nou ti bizin été et kot nou été azordi. Bien sure, mo pou vine lor la dan enn lot post kot mo pou montré prèvs bann *sunnites* et prèvs bann *shi'ahs*. Fer attention, mo ni *sunnites*, ni *shi'ahs*. Mo zist pé montré bann faits. Point final c zott ki bizin meté !

2 – *Bukhari*, ki bann *sunnites* dire li finn kolekté a peu pré 1, 000, 000 *hadiths* ou, selon bann les zott, 600, 000 *hadiths*, (enn légende pou fer ou dormi diboute) finn dire :

مَا أَتَانِي صَلَاتُ خَلْفِ الْجَهْمِيِّ الرَّافِضِيِّ أَمْ صَلَاتُ خَلْفِ الْيَهُودِ وَالنَّصَارَى وَلَا يُسَلِّمُ عَلَيْهِمْ وَلَا يُعَادُونَ وَلَا يُنَاقِحُونَ وَلَا يَشْهَدُونَ وَلَا تُؤْكَلُ ذَبَائِحُهُمْ .

Mo pa intéressé koné si zott fer la prière derière enn *jahmi* ou enn *rafidi* ou bien derière enn zuif ou enn krétien. Bizin pa salué zott, pa souhaite zott bonne fête, pa marié avek zott, pa pran zott témoignage et pa mange zanimos ki zott finn sakrifiés (*khalq ul af'al ul 'ibad : page 33 ; charh us sunnah : vol. 1, page 228 ; 'aqidatu ahlu sunnah : vol. 3, page 1122*).

Dépi kan enn mizilman fer la prière derière enn zuif ou enn krétien ? Zott koné ? Ca zama mo finn tendé ça. Zott fin tendé zott ? En d'otes mots, li pé dire ki bann *rafidis* ou *jahmis* pli pire ki krétiens et zuifs, n'a pas ? Li dire pa fer zott « salaam », pa fer bann souhaits, pa marié ar zott, pa pran zott témoignage et pa mange la chair zanimos ki zott sacrifié. Ki fer mo pé dire ki li konsidère *jahmi* et *rafidi* pli pire, c parski pou bann krétiens et zuifs, éna kitsoze ki finn permet fer : marié ar zott fame et mange la chair zanimos ki zott fin sacrifié ! Dans quran mem éna ça.

Eski *al-bukhari* supérièr ki li bizin vinn kontesté versets quran ? Pli tard mo pou vinn lor sujet 1, 000, 000 ou 600,000 *hadiths* ki *al-bukhari* finn suposé kolekté et nou pou get légende lor so la vie.

*Ibn Taymiyah* finn laisse entann ki bann *rawafids*, c bann infidèls koiki li pa finn dire li direktéma.

*Ibn Taymiyah* finn mem dire bann kitsozes ki finn fer so bann kamuads trèt li d'infidèl. Par exemple, li suposé inn dire ki quran inn krée (pa koné si li vré ça) et bann là finn trèt li kumsa et finn dimann li fer *tawbah*. Mo entièrema d'akord avek li kan li dire ça. Si zott dimann moi ki fer, ler là mo dire zott à biento kan mo pou vinn lor ça sujet là et mo pou pruvé d'après quran mem, ki c enn kréation ça et bann versets là oussi inn krés.

*Abu Hanifah* oussi ti dire ki quran finn kré et bann dimoune trèt li de *mushrik* (polythéiste) :

حَمَّادُ بْنُ أَبِي سُلَيْمَانَ يَقُولُ أَبْلَغُوا عَنِّي أَبَا حَنِيفَةَ الْمُشْرِكُ إِنِّي مِنْهُ بِرِيءٌ إِلَّا أَنْ يَتُوبَ قَالَ قَالَ سُلَيْمٌ كَانَ - يَعْنِي  
أَبَا حَنِيفَةَ - يَزْعُمُ أَنَّ الْقُرْآنَ مَخْلُوقٌ .

Hammad ibn Abi Sulayman finn dire : Informe *Abu Hanifah*, le *mushrik* de moi ki mo désavoué li  
ossi longtemps ki li pa repentir. Sulaym dire : li – c à dire *Abu Hanifah* – ti habitié dire ki quran inn  
kré (*musnad ibn al ja'd* : page 66, nos. 353, 354).

Ahmad ti trèt d'infidèl celui ki dire ki quran inn kré :

وقال إسحاق بن إبراهيم البغوي سمعت أحمد بن حنبل وسئل عمن يقول القرآن مخلوق ؟ فقال كافر .

Ishaq bin Ibrahim al-Baghwi finn dire ki li finn tann *Ahmad ibn Hanbal* ête kestoné concernant celui  
qui dire ki quran finn kré, li dire li enn infidèl (*kafir*) (*ahmad* : vol. 1, page 84).

Dans enn lot place li dire :

وعمن يقول لفظي بالقرآن مخلوق ؟ فقال جهمي .

Et a propos celui ki dire ki bann mots dan quran inn kré, li enn *jahmi* (*ahmad* : vol. 1, page 85).

Si zott vinn dire moi *kafir* ou *mushrik*, mo pa kass mo la tête parski dimoune kuma *Abu Hanifah* inn gagne ça bann titre là. Mo pa naryen divan li ! Donc zott dire ou zott pa dire, li pa fer diférence !

Bann *shi'ahs* zott kroire dan quran et *hadiths*, koiki impé diférent avek bann *sunnites* et zott éna zott prope livres et zott prope sènes de narations. Ki sanla kapav vine dire ki quran *shi'ahs* li fosse et quran *sunnites* li vré ? Nou éna plis ki 25 diférent versions quran azordi, person péna naryen pou dire lor là ? *Ibn Taymiyah* mem réconèt ki *sunnites* finn krés pou diferentié avek bann *shi'ahs*. Li dire :

وَهَذَا هُوَ السَّبَبُ فِيَمَا شَاعَ فِي الْعُرْفِ الْعَامِّ أَنَّ أَهْلَ الْبِدْعِ هُمُ الرَّافِضَةُ فَالْعَامَّةُ شَاعَ عِنْدَهَا أَنَّ ضِدَّ السُّنِّيِّ هُوَ الرَّافِضِيُّ فَقَطُّ .

. . . et c pou la réson ki fer li finn vine konu dan public : Les gens d'innovations, c bann *rafidas*. Et le grand public finn kone le contraire de *sunnites*, c à dire *rafidites* sèlema ... (*majmu' ul fatawa* : vol. 28, page 482).

وَلِهَذَا تَكَلَّمَ النَّاسُ فِي تَكْفِيرِ الرَّافِضَةِ .

C pou ça réson là ki bann dimounes inn trèt enn *rafida* d'infidèl ... (*majmu' ul fatawa* : vol. 4, page 430).

Dan plisirs places dan so livre, *majmu' ul fatawa*, *Ibn Taymiyah* finn trèt bann *rafidas* (*shi'ahs*) d'innovatèrs. Nou fer rapel ki *Ibn Taymiyah* c enn des gurus bann *salafis*, pareil kuma zott éna enkor *Sheikhs* ki zott konsidère kom gurus.

Kuma *Ibn Taymiyah* kapav dire ki bann *shi'ahs* zott mem bann inovatèrs kan dan *sunnites* là mem éna enn paké innovations, kuma mo finn dire dan bann posts précédans. *Ibn Taymiyah* li mem à la tête de bann ki finn donn nom « *sunnites* » pou diferentié avek bann *shi'ahs* (*rafidas*). Mo finn donn l'Xemple tome prophet dan *masjid nabawi*. Et nou koné ki prophet là inn dire concernant ça sujet là. Mo kroire jamais *Ibn Taymiyah* pa finn koze lor ça sujet là. Pourtant li dire ki bann *shi'ahs* c bann inovatèrs. Oussi, mo finn montré kuma bann mizilmans en zénéral et bann *sunnites* en partikilié, zott finn adopté ça principe là et à sak fois ki zott alle fer *hajj*, zott bizin rann vizit tome prophet là. Mo dimann moi sipa vrémém éna prophet dan ça tome là. Ena kikaine ki kapav vine pruve ça ?

3 – *Ibn Baz*, *Abdullah ibn Qu'ud*, *Abdullah ibn 'Adyan*, *'Abdur Razaq 'Afifi* :

*Ibn Baz* et les zott ki mo finn mentioné là, c bann savants et *muftis* de l'Arabie Saoudite et mo pen c ki zist pou l'Arabie ki zott savants et *muftis*. Zott forme enn lot groupe gurus bann *salafis*. Nou gé t ki zott finn dire dan *fatawa al-lajnah*, concernant bann *rafidas* ou bien bann *shi'ahs* kuma zott pli konu par mizilmans :

ولا يجوز للمسلم أن يقلد مذهب الشيعة الإمامية ولا الشيعة الزيدية ولا أشباههم من أهل البدع كالخوارج والمعتزلة.

(a) Li pa permet pou enn mizilman suiv l'ékole de pensée (*mazhab*) bann *shi'ahs imamiyah* et bann *shi'ahs zaydiyyah* et bann ki kuma zott parmi bann dimounes d'innovations, tel ki *khawarij* et *mu'tazilah* (*fatawa al-lajnah ad-daimah* : vol. 5, page 45 ; *fatawa islamiyyah* : vol. 1, page 153).

Par le fait ki zott dire « pa permet pou enn mizilman » nou kompran ki zott oulé dire ki bann *shi'ahs* zott pa mizilmans, c à dire zott bann infidèls, n'a pa ?

هذا الحديث لا أصل له بل هو من الموضوعات، من كذب بعض الشيعة كما نبه على ذلك أئمة الحديث.

- (b) Ca *hadith* là li péna aukaine source, mais li forme parti bann *hadiths* fabrikés. C enn mensonge de certains *shi'ahs* kuma bann savants en *hadiths* finn met en garde (*fatawa al-lajnah ad-daimah* : vol. 4, page 463).

Maintenant non trouvé ki zott trèt bann *shi'ahs* kom mentèrs et fabrikatèrs bann *hadiths*. A b eski zist dan *shi'ahs* ki éna fabrikatèrs *hadiths* ? Dan *sunnites* là mem éna enn kantité mentèrs, falsificatèrs *hadiths*. Zott pa dire naryen lor là ?

ونحذرك من كتب أهل البدع كالشيعة وغيرهم .

- (c) Nou met toi en garde konte livres bann dimounes inovatèrs kuma *shi'ahs* et otes (*fatawa al-lajnah ad-daimah* : vol. 12, page 131).

Zist bann *shi'ahs* ki bann inovatèrs ? Dan *sunnites*, péna innovation di tout ? Mo finn déza pruve zott ki dan *sunnites* éna plein innovations ki amène vers idolâtrie et ki amène vers infidélité. Bann mizilmans bizin prend kompte avan ki trop tard ! Bann savants de l'Arable parfois zott dire c ki bizin, et parfois zott sous pression autorité là. C enn des réson, mo pen c, ki pa pou tann zott koze lor dékorations et ornemas bann *masajid* dan l'Arabie et pa pou tann zott koze lor tome prophet dan *masjid nabawi*.

عليك بالدراسة على العلماء المعروفين بعلمهم وسلامة اعتقادهم والبعد عن المبتدعة والمخالفين لأهل السنة ومنهم الشيعة والإمامية لا تدرس عليهم ولا تجالسهم ولا ترأسهم ولا تنظر في كتبهم لئلا يضلوك عن سبيل الله.

- (d) To bizin aprann avek bann savants ki konu pou zott konaisance et zott idéologi saine. To bizin reste loin avek bann inovatèrs, ki kontredire bann dimounes de la *Sunnah* (*sunnites* ou *ahl-us-sunnah*). Et parmi zott éna bann *shi'ahs imamiyah*. Pa aprann ar zott, pa asize ar zott, pa korespond ar zott et pa konsidère zott bann livres sinon to pou égaré dépi simé bon dieu (*fatawa al-lajnah ad-daimah* : vol. 12, page 100)

Li klair ki bann savants trèt bann *shi'ahs* d'innovatèrs koiki zott pa dire ki zott bann *kafirs* (infidèls).

Mo fer enn pressent apel a bann *sunnites* et mo dire zott vèye zott mem avan zott vèye le zott. Kapav les zott pli bon ki zott dan boukoup zafairs. Na pa laisse zott emporté et rabasse c ki zott envi, surtout lor Facebook. La langue péna lézo, si pa contrôle li, li contrôle nou !